




REPUBLIKA E SHQIPËRISË



AUTORITETI PËR INFORMIMIN MBI
DOKUMENTET E ISH-SIGURIMIT TË SHTETIT



**AUTORITETI PËR INFORMIMIMIN
MBI DOKUMENTET E ISH
SIGURIMIT TË SHTETIT**

Nr. 194 Prot. Datë 11/2/2019

**QENDRA E BASHKËPUNIMIT
NDËRFETAR**

Nr. _____ Prot. Datë _____ / _____ /2019

MARRËVESHJE BASHKËPUNIMI

Autoriteti për Informimin mbi Dokumentet e Ish Sigurimit të Shtetit (më poshtë AIDSSH), përfaqësuar nga Kryetarja, Znj. Gentiana Sula;

dhe

Qendra e Bashkëpunimit Ndër-Fetar si person juridik, i regjistruar me *Vendimin Nr. 347 datë 22 Dhjetor 2006* të Gjykatës së rrethit Gjyqësor, Tiranë (më poshtë QBNF), e përfaqësuar nga Kryetari i QBNF dr. Arben Ramkaj.

Për të konsoliduar bashkëpunimin tonë në drejtime konkrete, *palët* bien dakord të lidhin këtë Marrëveshje Bashkëpunimi (më poshtë “Marrëveshja”).

Neni 1
Qëllimi

Qëllimi i kësaj Marrëveshje Bashkëpunimi është rregullimi i marrëdhënieve midis palëve për zbatimin e angazhimeve, të projekteve të përbashkëta me fokus promovimin dhe përkujtimin e vlerave, ngjarjeve që dëshmojnë periudhën për krimet e komunizmit në Shqipëri dhe periudhën që ka funksionuar ish-Sigurimi i Shtetit që kanë patur ndikim të drejtpërdrejtë dhe të tërthortë edhe mbi komunitetet fetare në vendin tonë.

Neni 2

Objekti

Objekti i kësaj marrëveshje është institucionalizimi i marrëdhënieve për bashkëpunimin e ndërsjelltë të palëve, në kuadër të identifikimit, grumbullimit, administrimit të dokumenteve e të materialeve arkivore të ish-Sigurimit të Shtetit të periudhës 29 nëntor 1944 - 2 korrik 1991 dhe të organeve të diktaturës komuniste.

Bashkëpunimi në fushën e botimeve, kulturës dhe promovimit të saj, që dëshmojnë periudhën për krimet e komunizmit në Shqipëri dhe periudhën që ka funksionuar ish-Sigurimi i Shtetit.

Neni 3

Baza ligjore

Baza ligjore e kësaj **Marrëveshje** është ligji nr. 45/2015 “*Për të drejtën e Informimit për dokumentet e ish-Sigurimit të Shtetit të Republikës Popullore Socialiste të Shqipërisë*”, neni 17 i Rregullores “*Për Organizimin dhe Funksionimin e Autoritetit për Informimin mbi Dokumentet e Ish-Sigurimit të Shtetit*”, miratuar me Vendimin nr.21, datë 09.05.2017 të Autoritetit.

Neni 4

Të drejta dhe detyrimet e palëve

Në përbushje të kësaj marrëveshjeje, QBNF-ja dhe AIDSSH-ja kanë të drejta dhe detyrimet e angazhohen duke bashkëpunuar në fushat e tyre të kompetencës dhe të misioneve të tyre si më poshtë:

- a. grumbullimin e të dhënave, dokumenteve dhe dëshmive për njohjen e veprimtarisë së organeve dhe të strukturave të Sigurimit të Shtetit, të formave të persekutimit dhe formave të rezistencës kundër tyre, si dhe të të gjitha veprimtarive, që kanë çuar në dhunimin e të drejtave e të lirive themelore të njeriut në vitet e regjimit komunist;
- b. grumbullimin e të dhënave dhe dokumentacionit arkivor të ish-Sigurimit të Shtetit;
- c. të bashkërendojnë në kryerjen e studimeve shkencore për rolin dhe funksionin e ish-Sigurimit në shtet dhe në shoqëri, si edhe për format e ndryshme të shfaqjes dhe ekzistencës së opozitës dhe kryengritjes ndaj regjimit komunist me qëllim rishqyrtimin historik të veprimtarisë së ish-Sigurimit të Shtetit;
- d. ofrimin e ndihmës për studiuesit e institucioneve respektive, që dëshirojnë të bëjnë kërkime shkencore në fushat respektive që ato mbulojnë sipas ligjit;
- e. shkëmbimin e vazdueshëm të kopjeve të periodikëve që botohen nga dy institucionet, materialet shkencore dhe informative me qëllim promovimin e vlerave historike, në përputhje me interesat e palëve duke respektuar legjislacionin në fuqi.
- f. organizimin e aktiviteteve të përbashkëta që kanë në fokus të tyre krimet e komunizmit në Shqipëri dhe përudhën që ka funksionuar ish-Sigurimi i Shtetit me qëllim njohjen dhe edukimin e publikimit me historinë e tij.

- g. tē marrin pjesë nē takime tē organizuara nga secila palë, pēr çështje që janë objekt i kësaj marrëveshje;
- h. tē bëjnë tē disponueshëm kundrejt kërkesave dokumente dhe materiale arkivore që i përkasin periudhës së komunizmit me fokus veprimtarinë e sigurimit tē shtetit dhe që i nevojiten secilës palë nē funksion tē veprimtarisë së punës përkatëse nē përputhje me legjislacionin nē fuqi pēr arkivat;
- i. tē bashkërendojnë punën pēr edukimin qytetar nēpërmjet garantimit tē mundësive pēr shqyrtimin e dokumenteve tē organeve tē diktaturës komuniste, duke përfshirë dokumentet e ish-Sigurimit tē Shtetit tē asaj periudhe;
- j. tē organizojnë, hapin ose shkëmbejnë ekspozita që kanë si bazë pasurinë dokumentare apo kulturore nē fushat respektive që dy institucionet mbulojnë sipas ligjit;
- k. tē organizojnë konferanca, takime, punëtori pēr tē nxitur ndërgjegjësimin e tē gjithë atyre që u janë përpunuar/ruajtur tē dhënat nga ish-Sigurimit i Shtetit, gjatë periudhës së dikaturës komuniste, me qëllimin krijimin e një kulture gjithëpërfshirëse pēr njohjen e dokumentacionit arkivor tē kësaj periudhe.

Neni 5

Koordinimi ndërmjet palëve

1. Në zbatim tē kësaj **Marrëveshje, AIDSSH** dhe **QBN** do tē caktojnë nga një person kontakti.
2. Personat e kontaktit do tē mbajnë takime ndërmjet tyre nē varësi tē nevojës pēr marrje dhe dhënie tē informacioni dhe do tē informojnë titullarin e institucionit nē lidhje me zbatimin e kësaj Marrëveshje.
3. Komunikimi mes palëve do tē jetë nē formë zyrtare shkresore, duke mos përjashtuar format me tē shpejta tē komunikimit elektronik.
4. Palët do tē njoftojnë reciprokisht nē rast se ndryshohet personi i kontaktit.

Neni 6

Përmirësimet, Ndryshimet, Shtesat

1. Palët mund tē bëjnë përmirësim, ndryshime dhe/apo shtesa nē këtë **Marrëveshje**, bazuar nē pëlqimin e ndërsjellë tē tyre.
2. Çdo përmirësim, ndryshim dhe/apo shtesë do tē bëhet vetëm me shkrim nga titullarët e **AIDSSH** dhe **QBNF**, apo nga persona tē autorizuar prej tyre dhe do tē hyjnë nē fuqi pas nënshkrimit tē tyre.

Neni 7

Mirëbesimi

1. **AIDSSH-ja** dhe **QBNF-ja** do tē respektojnë parimin e mirëbesimit tē ndërsjellë.
2. Palët duhet tē mbajnë nē mirëbesim dhe tē përdorin sipas fushës së veprimit tē gjitha dokumentet, tē dhënat dhe informacionet e tjera tē shkëmbbyera prej tyre nē lidhje me këtë Marrëveshje.

- Vështirësitë e paparashikuara, mosmarrëveshjet ose mospajtimet që rezultojnë nga zbatimi i kësaj marrëveshje bashkëpunimi do të zgjidhen nëpërmjet bisedave në mirëbesim, me negociata midis Palëve.

Neni 8
Afati i marrëveshjes

- Kjo **Marrëveshje** do të lidhet për një kohëzgjatje të pacaktuar.
- Marrëveshja mund të përfundojë nga secila **Palë** nëpërmjet dërgimit të një njoftimi me shkrim **Palës** tjetër, (të paktën një muaj përpara).
- Në rast të përfundimit të kësaj Marrëveshje, palët do t'u përbahen detyrimeve që rrjedhin nga kjo Marrëveshje, përsa i përket informacionit të shkëmbyer përpala datës së përfundimit të saj.

Neni 9
Nënshkrimi dhe hyrja në fuqi

- Kjo **Marrëveshje** hyn në fuqi ditën e nënshkrimit të saj.
- Marrëveshja është hartuar në Tiranë, në katër kopje origjinale, dy prej të cilave depozitohen në Autoritetin për Informimin mbi Dokumentet e ish Sigurimit të Shtetit dhe dy të tjera në depozitohen në Qendrën e Bashkëpunimit Ndërfetar.

Për

Autoritetin për Informimin mbi
Dokumentet e ish Sigurimit të Shtetit

Gentiana SULA



KRYETARE e AUTORITETIT

Për

Qendrën e Bashkëpunimit
Ndërfetar

Dr.Arben RAMKAJ



KRYETAR i QBNF

